

DEO OPT. MAX. VNI ET TRINO, VIRGINI DEIPARÆ, ET SANCTO LVCÆ  
ORTHODOXORVM MEDICORVM PATRONO.

Q V Æ S T I O M E D I C A.  
QVODLIBETARIIS DISPUTATIONIBVS MANE DISCVTIENDA  
IN SCHOLIS MEDICORVM, DIE IOVIS XX. NOVEMBRIS,  
M CAROLO LE CLERC, Doctore Medico, Præside.

*An hydropem fortis diarrhœa soluit?*

1022

**C**ORPVS humanum multis & variis afficitur morbis, quibusque exacerbat symptomata, nulla ne minima quidem expostulantibus remedia: Natura provida sospitatrix & morborum curatrix, varias inuenit artes quibus sese ijs expediret, vomitum, hæmorrhagiam, sudorem, diarrhœam, perirrhœam, & plures alias Medicis etiam perspicacioribus non notas: & quemadmodum bum soluit, æger saltem fert alacrius: sudor inter morborum epiphænomena, & præsertim febrium acutarum, est instar omnium qui nos salutis fidâ spe consolatur, præsertim si relinquatur soli.

**C**ONVULSIO sæpè sit distentis humore frigido & glutinoso nervis: vacuatio materiæ morbificæ suscipitur & absoluitur perirrhœa, præsertim si albuminea sit, quæ plus mucoris habeat, quàm liquoris. Talis vrina materiam præripit & occasionem abscessuum in articulis futurorum: id sit per vesicam; quemadmodum in intestinis contentam materiam morbificam diarrhœa expurgat & maximum affert leuamen. Est diarrhœa diuturnus & copiosior alui fluor sine inflammatione & vlceratione, quo primum liquida effluunt quæ aluo continentur, deinde humores qui in intestinis latitant: ea excretio salubritati corporis accommodatissima est in specie, materiâ, & subiecto. Si in conatu vacationis prauis humoris, Natura segnis & impotens fuerit, iuuabitur artificio Medici ad illius imitationem comparati.

**I**N eum vsûm parantur clysteres frequentes, purgantia medicamenta, primò quidem leuiora, deinde valentiora & fortiora. Abstinentum est ab adstringentibus: ubi adstringit Symptomaticus, ibi laxat Medicus. Aquâ intercutem habito: si è venis in ventrem fluxerit, soluitur morbus. Noli tentare paracentesim: qui vruntur aut secantur penè omnes moriuntur: non parcentium esse obsequentes, nullæ sunt leges pro ijs qui vitâ sectantur voluptuariam, sed pro ijs tantum qui frugaliter viuunt, atque obediunt se gerunt in Medicos benè monentes, benèque præcipientes quæ sunt salutis, hinc Primates ægrius & tardius curantur, quàm pauperes.

**H**YDROPS morbus est tumore contra naturam aspectabilis, ubi totum corpus in molem attollitur ex copioso eoque seroso humore & à nimia flatuum abundantia collectis in eâ alui capacitatem quæ peritonæo & intestinis interiacer, humidus & siccus nominatur, ab intemperie præferuidâ hepatis, vnde alteratio, vnde imbecillitas, vnde impedimentum facultatum alterantium & concoquentium, facili subsequitur alienatio facultatis sanguificæ: caloris natui & insiti dissipatione, inuehitur frigida intemperies, extinguiturque non secus quàm ignis, qui vel nimia lignorum mole suffocatur, aut inopiâ marcescit. Aquosus ille humor non cunctatur nec cespitat, sed refluit modò in hanc, modò in aliam partem, in modum fluctuantis Euripi, qui mox in cælum attollitur, statim in altum immergitur: quare caput & thorax non immunes sunt ab eo affectu calamitoso & funesto.

**N**ON solum ab hepate vitiato ortum habet aquosus ille tumor, sed etiam à lumbis, ilibus, & præsertim à liene, à quo tanquam per occultos cuniculos in vacuum abdominis spaciū serosus humor stillat: qualiscunque is fuerit, non soluitur nisi laigâ & copiosâ euacuatione per loca naturæ conuenientia. Nihil paucum criticum. Malè fiunt, quæ frustra fiunt. A page apozemata, epithemata, forum, litum, vnguentum etiam de arthanita maius, cantharidum vsûm, vini potum, & plura alia futilia. Confugas ad diuretica, & hydragoga purgantia, veperirrhœa & diarrhœa fortis prouocentur, ex quibus solis, magna leuatio & insignis alacritas, his machinis ex imbre facies siccitatem.

*Ergo hydropem fortis diarrhœa soluit.*

DOMINI DOCTORES DISPUTAVRI.

M. Ioannes Antonius Bourgaud.  
M. Michael Langlois.  
M. Germanus Hureau.

M. Ioannes de Bourges.  
M. Robertus Patin.  
M. Michael de la Vigne.

M. Ioannes Pietre, Scholarum Censor.  
M. Claudius Germain.  
M. Germanus Preaux.

Proponerat Lutetiæ CLAVDIUS QVARTIER, Parisinus. A. R. S. H. M. DC. LIII.

